

Broj: 01-05-13-03899/2019
Sarajevo, 1.08.2019. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SEKRETAR
N/P- mr. sci. Izmir Hadžiavdić
N/P - delegat Isak Ramo
veza akt. br. 05/2-02-140/19 od 25.07.2019. godine**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primiteno: 09-08-2019			
Org. jed.	Broj	Priloga	Vrijednost
05/2	-02-	140	/19

Predmet: Odgovor na delegatsko pitanje delegata Isaka Rame, *dostavlja se*

Poštovani,

Federalna uprava za inspekcijske poslove zaprimila je dana 30.07.2019. godine akt gornji broj koji je delagatsko pitanje uvaženog delegata Isaka Rame, koji je zatražio u pisanoj formi da mu se pojasni ko daje instrukcije Federalnoj upravi na koji način da radi, te šta su zadatci i obaveze federalne inspekcije?

Na postavljeno pitanje dajemo slijedeći odgovor:

U skladu sa definisanim nadležnostima Federacije BiH utvrđenih Ustavom Federacije BiH i Zakona¹ o inspekcijama Federacije BiH (u daljem tekstu: Zakon), *Federalna uprava za inspekcijske poslove*, kao samostalan federalni organ, *vrši poslove iz nadležnosti federalnih inspekcija koje su organizovane u njezinom sastavu.*

Federalnu Upravu čini jedanaest (11) inspektorata (tržišni, inspektorat za hranu, zdravstveni, inspektorat rada, urbanističko-ekološki, saobraćajni, poljoprivredni, inspektorat za šumarstvo, vodni, veterinarski i rudarsko, termo i elekto-energetski inspektorat, u okviru kojih radi 40 vrsta federalnih inspektora kako je to utvrđeno članom 24. Zakona.

¹ Zakon o inspekcijama Federacije BiH ("Službene novine FBiH" br.73/14)

Putem naprijed navedenih inspekcija, Federalna uprava obavlja:

- stručne i operativne poslove inspeksijskog nadzora/kontrole provođenja zakona i drugih materijalnih propisa kojima su određene politike i utvrđeno funkcionisanje pojedinih privrednih djelatnosti,
- donosi provedbene propise kako je to utvrđeno Zakonom, opće i pojedinačne akte iz svoje nadležnosti,
- poduzima mjere u vršenju inspeksijskog nadzora,
- rješava po žalbama na prvostepena rješenja kantonalnih inspektora donesenih na temelju federalnih propisa,
- koordinira rad kantonalnih federalnih inspekcija, prati rad i vrši stručni nadzor rada kantonalnih inspektora kad nadzore obavljaju na temelju federalni propisa,
- donosi planove i programe vršenja inspeksijskog nadzora,
- vodi evidencije o obavljenim nadzorima federalnih inspektora,
- donosi i provodi program stručne edukacije federalnih inspektora,
- sudjeluje u stručnoj pripremi federalnih propisa,
- vrši nadzore nad provedbom BiH propisa kao i međunarodnih akata/konvencija koje je ratifikovala BiH, kao i druge upravne i stručne poslove kako je to utvrđeno Zakonom.

Vraćajući se na postavljeno pitanje, Federalna uprava za inspeksijske poslove, obavlja inspeksijske nadzore u skladu sa **Planom** i **Programom rada** kako je to utvrđeno odredbama čl. 28. Zakona, pri čemu smatramo važnim naglasiti da se izrađuju i **Planovi pojačanih inspeksijskih nadzora**, te da se inspeksijski nadzori obavljaju i kada zahtjev podnese **Vlada Federacije, federalno/a ministarstvo/a, direktor Federalne uprave**, kao i po zahtjevima podnešenim od **strane pravnih i/ili fizičkih lica**.

Za odabir subjekta/kata nadzora, radi se procjena rizika na temelju koje se određuje nivo i dinamika nadzora, u ovisnosti da li se radi o subjektima koji prema vrsti poslovne djelatnosti spadaju u visoko rizične, gdje posljedice u slučajevima nepoštivanja i neusklađenosti poslovnih procesa sa zakonom mogu prouzrokovati i biti opasne po život i zdravlje ljudi i životinja, te okoliš i materijalna sredstva.

Takvi subjekti se, kod izrade planova i programa, od strane Inspektorata i federalnih inspektora u sastavu FUZIP-a stavljaju u hijerarhiji prioriteta na prvo mjesto. Kod ovakvih subjekata nadzori se obavljaju kontinuirano, po potrebi i putem multidisciplinarnih inspeksijskih timova, u kom slučaju se radi o tzv. kompleksnim (sveubuhvatnim) inspeksijskim nadzorima.

Prilikom izrade izvještaja (kvartalni/godišnji) svaki od glavnih federalnih inspektora detaljno analizira izvještajne rezultate rada inspektora unutar Inspektorata, utvrđuje pojave i identifikuje upravne oblasti koje se u narednom periodu moraju pojačano nadzirati, odnosno u kojim je oblastima došlo do poboljšanja stanja u primjeni propisa od strane subjekata nadzora.

U ovisnosti od stepena nepravilnosti koje inspektor utvrdi u nadzoru, zavisi koju će odluku donijeti, dakle da li će izdati rješenje i naložiti adekvatnu upravnu mjeru ili će, pokrenuti prekršajni postupak izdavanjem prekršajnog naloga ili zahtjeva za pokretanje prekršajnog postupka sudu.